



N° 4239  
Reçue le 07.05.2021  
Déclarée recevable et urgence non-reconnue  
Président de la Chambre des Députés  
(s.) Fernand Etgen  
Luxembourg, le 07.05.2021

Här Fernand Etgen  
President vun der Chamber

Lëtzebuerg, de 7. Mee 2021

Här President,

Esou wéi den Artikel 84 vum Chambersreglement et virgesäit, biede mir lech, dës **drénglech Fro** un d'Madame Minister fir Gesondheet an un den Här Minister fir bannenzeg Sécherheet weiderzeleeden.

An der RTL-Radiosendung „Invité vun der Redaktioun“ haut Freideg, de 7. Mee, um 8.10 Auer huet den CGFP-President Romain Wolff sech fir eng prioritär Impfung vun de Policebeamte staark gemaach. Den Här Wolff huet dobäi op Däitschland verweisen, wou eng Prioriséierung vun ënner anerem de Polizisten bei der Impfstrategie besteet, well si am Déngscht vun der Allgemengheet schaffen. **Fir Lëtzebuerg Polizisten, déi am däitsche Grenzgebitt wunnen, bedeit dat, dass si vun den däitschen Autoritéiten invitéiert ginn, sech prioritär impfen ze loossen.**

Virun dësem Hannergrond wéilte mir folgend Froen un d'Madame Minister fir Gesondheet an un den Här Minister fir bannenzeg Sécherheet stellen:

- Kënnen d'Ministere confirméieren, dass Lëtzebuerg Polizisten, déi am däitsche Grenzgebitt wunnen, vun den däitschen Autoritéiten invitéiert ginn, sech prioritär impfen ze loossen?
- Am Fall, wou dat sou ass, ass d'Lëtzebuerg Regierung da gewëllt, mat eisen däitschen Nopere gläichzezeiten an och hei am Land eng Prioriséierung vun de Policebeamten bei der Impfstrategie anzeféieren?
- Wa jo, firwat huet d'Regierung déi prioritär Impfung vun de Polizisten nach net decidéiert? A vu wéini un wier déi prioritär Impfung vun de Poliziste méiglech?
- Wann nee, sinn d'Ministeren net der Meenung, dass d'Polizisten duerch d'Pandemie ënner nach méi schwéiere Konditiounen musse schaffen an engem nach méi grouse Risiko ausgesat sinn?

Här President, mir bieden lech, eisen déifste Respekt unzehuelen.

Laurent Mosar  
Deputéierten

Léon Gloden  
Deputéierten